

Opet samo pričaju! Hrvatska danas počinje graditi Pelješki most, a nadležni u BiH obećavaju tužbu



Hrvatska danas službeno počinje graditi Pelješki most, kamen spoticanja između naše zemlje i Hrvatske. Izvođač radova bit će kineski konzorciji koji je bio najbolji na međunarodnom tenderu. Zbog neslaganja s gradnjom mosta BiH prema najavama BiH će tužiti Hrvatsku.

Kineska kompanija "China Road and Bridge Corporation" trebala bi početi sprovoditi u djelo ono što je pokušalo nekoliko bivših hrvatskih premijera. Ivo Sanader je dva puta pokušavao započeti izgradnju mosta.

Novac je osiguran zahvaljujući Europskoj uniji. U konačnici će most koštati nešto više od 526 miliona eura od čega Europska unija projekt sufinansira s 357 milijuna eura bespovratnih sredstava, odnosno s 85 posto prihvatljivih troškova, piše "Dnevno.ba".

Rok za gradnju je 36 mjesec. Most će biti dug 2.404 metra i visok 55 metara. Hrvatska smatra da su te dimenzije odgovarajuće i za BiH zbog čega poručuju da nema ništa sporno u gradnji mosta.

Ipak, dužnosnici BiH negoduju zbog početka gradnje jer BiH nikada nije s Hrvatskom riješila pitanje granice na moru. Brojni stručnjaci smatraju da će BiH gradnjom Pelješkog mosta biti oštećena te da neće imati nesmetani izlaz na otvoreno more.

U međuvremenu se spominje i tužba koju bi član Predsjedništva BiH Bakir Izetbegović trebao podnijeti sudu u Strazburu.

Poraz i sramota BiH! Bakir i Denis su javnost BiH ponovo prevarili



Nermin Nikšić, predsjednik Socijaldemokratske partije Bosne i Hercegovine, komentarisao je danas početak izgradnje Pelješkog mosta. Nikšić je izjavio da je početak gradnje Pelješkog mosta “jasan i javan čin Republike Hrvatske koja sistemski nastavlja relativizirati i ugrožavati subjektivitet, interese i prava države Bosne i Hercegovine u međunarodnim odnosima.”

“Napominjem da je Evropska povjerenica za prevoz Violeta Bulc u Sarajevu, prije tačno mjesec dana, javno pozvala predstavnike domaćih institucija da upute dopis službenom Briselu, ukoliko imaju dodatne primjedbe na gradnju Pelješkog

mosta i da iste obrazlože. Naglasila je da je Evropska unija svoj stav o nepostojanju prepreka za gradnju mosta zasnovala isključivo na dokumentaciji pristigloj iz Republike Hrvatske.

Ovim putem javno postavljam pitanje članovima Predsjedništva Bosne i Hercegovine i predsjedavajućem Vijeća ministara BiH da odgovore jesu li uputili takav dopis u ovom vremenu od posljednjih mjesec dana? Ako nisu, tražim da svaki od njih odgovori zašto to nije učinjeno? Ako se i nije mogao postići konsenzus u Predsjedništvu BiH, onda neka oni koji se predstavljaju zaštitnicima interesa države odgovore zašto se, osim periodičnih medijskih istupa, individualno u svojstvu članova Predsjedništva BiH ili predsjedavajućeg Vijeća ministara, nisu konkretnije založili za zaštitu interesa države Bosne i Hercegovine sistematičnim elaboriranjem i argumentiranjem stava o nepostojanju pravnih preduslova za gradnju mosta? Jesu li poduzeli ikakve mjere organizovanja pravne zaštite i argumentiranja pozicije Bosne i Hercegovine angažovanjem relevantnih domaćih i međunarodnih stručnjaka na spomenutom polju? Ako nisu, neka kažu zašto to nisu učinili i zaštitili prava, ne samo sadašnje generacije, nego i svih budućih generacija građana Bosne i Hercegovine?”, rekao je Nikšić, piše [“Patria”](#).

Nikšić je zaključio da početak gradnje Pelješkog mosta “predstavlja poraz, kako za indolentnu domaću vlast predvođenu SDA-om, tako i za sve građane Bosne i Hercegovine, kojim će biti zapriječeno temeljno pravo izlaska na otvoreno more u skladu sa Konvencijom o pravu pristupa otvorenom moru (UNCLOS).

“Od ovakve vlasti u Republici Hrvatskoj ništa drugo, osim podrivanja međunarodnog subjektiviteta Bosne i Hercegovine nismo ni mogli očekivati. Međutim, zato su Predsjedništvo Bosne i Hercegovine, Vijeće ministara i rukovodstva oba doma Parlamenta BiH, ili barem pojedinci koji se nalaze u ovim tijelima, mogli i morali institucionalno učiniti mnogo više od tek periodičnog dopisivanja i medijskog oglašavanja na ovu

temu.

Iako su nas sve Zvizdić i Izetbegović mjesecima uvjerali da je dokumentacija koju imaju i argumentacija na strani BiH, te da do gradnje neće doći, i ove njihove obmane su rezultirale još jednim porazom i sramotom Bosne i Hercegovine, kao što je to bio slučaj i sa revizijom presude za genocid protiv Srbije”, naveo je Nikšić u svojoj izjavi.

Krađe bebe u Hadžićima: Merhunisi prvi momak poginuo, drugog je brutalno slagala



Sarajevsko Tužilaštvo zatražilo je od Općinskog suda u Sarajevu produženje pritvora za Merhunisu Dedić, osumnjičenu za otmicu bebe u Hadžićima početkom jula ove godine. Ovo je za [Oslobođenje](#) rekao Alem Hamzić, portparol sarajevskog Tužilaštva, pojašnjavajući da je Tužilaštvo produženje pritvora zatražilo zbog opasnosti da bi osumnjičena boravkom na slobodi mogla da pobjegne iz BiH, kao i zbog opasnosti od ponavljanja krivičnog djela.

Dedić je navodno često mijenjala mjesto prebivališta zbog čega Tužilaštvo sumnja da bi boravak na slobodi mogla iskoristiti

tako što bi pobjegla iz BiH.

Konačnu odluku će donijeti Sud nakon održane sjednice koja je zakazana u petak, a koja će biti zatvorena za javnost.

Merhunisa Dedić, koju su istražitelji opisali kao natprosječno inteligentnu 28-godišnjakinju, se nakon pogibije bivšeg mladića, udala za drugog iz Visokog. Njemu je u augustu prošle godine, tokom ljetovanja, slagala da je trudna, iako nije bila, nakon čega je, vjerovatno, počela smišljati pakleni plan kako da zavara supruga.

Prvo je tražila od ljekara da joj izdaju potvrdu da je izgubila bebu, no kako je nije dobila, morala je da se domogne tuđeg novorođenčeta kako bi potkrijepila svoju laž o trudnoći...

Počela se namjerno debljati, a suprugu je povremeno govorila da ide na kontrole u bolnicu u Sarajevo. Jedno vrijeme im je govorila da zbog rizične trudnoće mora "ležati" na GAK-u gdje su je suprug i njegovi roditelji posjećivali.

Dedić, koja je završila Medicinsku školu u Kiseljaku, a nakon toga i Prirodno-matematički fakultet u Sarajevu (Odsjek hemija), počela je navodno stažirati na Ginekološko-akušerskoj klinici (GAK). Kako smo saznali od izvora bliskog istrazi ona je stažirala četiri dana u sedmici.

Istražitelji uključeni u istragu protiv Merhunise Dedić nerado govore o ovom slučaju, a na svako pitanje odgovaraju da je istraga u toku. Ona je navodno prije krađe djeteta od porodice Ismailovski pokušala ukrasti još dvoje novorođenčadi od druge dvije porodice, ali je odustala od toga jer su kuće u kojima su bile bebe, bile puna.

Tako je 5. jula odlučila da ukrade novorođenče od Lejle Ismailovski Iz Hadžića. Prethodno je Dedićeva u jednoj rent-a-car kući iznajmila bijelu škodu fabiu, te 4. jula nazvala Lejlu rekavši joj da treba donijeti bebu na GAK jer bebi nalazi štitne nisu bili u redu, a ona je otišla u Hadžiće,

gdje je ušla u kuću Ismailovski pod izgovorom da je patronažna sestra koja je došla da pregleda bebu. Tu je bebinu tetku zaključala u kupatilo, te je pobjegla s bebom. Osm sati poslije je uhapšena.

Najduže pomračenje Mjeseca u ovom stoljeću

Ljudi širom svijeta od večeras pa do subote navečer moći će vidjeti najduže pomračenje Mjeseca u ovom stoljeću, javlja Anadolu Agency (AA).



Ovaj veliki nebeski spektakl, zatamljeni Mjesec koji se može posmatrati golim okom, već je nastupio u pojedinim dijelovima svijeta.

Riječ je o fenomenu poznatom kao Krvavi Mjesec, koji se događa kada se Zemlja nađe između Mjeseca i Sunca. Tada Mjesec dobije sjajnu crvenu ili smeđkastu boju.

Puno pomračenje će trajati sat i 43 minute i bit će najduže u ovom stoljeću.

Ovaj nesvakidašnji fenomen najbolje će se vidjeti s istočnog dijela Afrike, Bliskog istoka, širom Indije i najzapadnijeg

dijela Kine.

Stanovništvo ostatka Afrike, Europe, dijelova Azije i Australije, kao i istočni vrh Južne Amerike, moći će "Krvavi Mjesec" vidjeti samo onoliko koliko dozvole oblaci.

Sjeverna Amerika i Grenland će biti jedina mjesta koja neće moći uživati u ovom fenomenu.

Iz američke Agencije za istraživanje svemira (NASA) su kazali da će ovo pomračenje Mjeseca trajati 27 minuta duže nego pomračenje "Superplavog, Krvavog Mjeseca" kojem je svijet svjedočio u januaru.

Denis Zvizdić: "Bosanski Srbi imaju jednu državu koja se zove BiH, isto važi i za Hrvate"

Sedmi samit Kine i zemalja centralne i istočne Evrope (16+1) održan u Sofiji rezultirao je potpisivanjem sporazuma koji će omogućiti izvoz mlijeka i mliječnih proizvoda u Kinu, što je, kaže Zvizdić, izvanredna prilika za bh. proizvođače.



Predsjedavajući Vijeća ministara Bosne i Hercegovine Denis Zvizdić ocijenio je danas u Sarajevu da su sastanci koji su u proteklih desetak dana održani u Londonu, Briselu i Sofiji imali značajne efekte za BiH u političkom i ekonomskom smislu, prenosi "Fena".

Na tim važnim sastancima razgovarano je o brojnim temama poput jačanja razvoja ekonomije, regionalnoj saradnji te stabilnosti i sigurnosti u zemljama zapadnog Balkana.

Sedmi samit Kine i zemalja centralne i istočne Evrope (16+1) održan u Sofiji rezultirao je potpisivanjem sporazuma koji će omogućiti izvoz mlijeka i mliječnih proizvoda u Kinu, što je, kaže Zvizdić, izvanredna prilika za bh. proizvođače, a postoji i najav za prošenje palete proizvoda koje će BiH moći izvoziti u Kinu.

Dogovoreno je da naredni sastanak ministra transporta ovih 16 zemalja bude organiziran u Sarajevu što će također biti prilika da Bosna i Hercegovina prezentira potencijale u oblasti transporta i osigura privlačenje novih investicija sa zemljama istočne Evrope, a to podrazumijeva daljnju izgradnju autoputa i željezničkog saobraćaja te proširenje međunarodnih aerodroma.

Konferencija o inovacijama 16 zemalja centrale i jugoistočne Evrope trebala bi biti organizirana od 5. do 8. novembra ove godine kada će se napraviti generalni plan razvoja informacionog sistema i procesa digitalizacije to će omogućiti značajniji ekonomski razvoj i integriranje zapadnog Balkana na tržište Evropske unije.

Zvizdić je napomenuo da je potpisan i Sporazum u oblasti turizma s Kinom zbog čega se ove godine očekuje 50.000 turista iz te zemlje, kao i udvostručenje tog broja naredne godine jer "Putevima Valtera" predstavlja najprivlačniju turističku atrakciju za šta su zainteresirani Kinezi koji dolaze u BiH.

Kada je u pitanju Sporazum o civilnoj avijaciji uskoro bi

trebala biti uspostavljena avio linija na realciji Peking-Prag-Sarajevo, a razgovrano je i o ulaganjima u oblasti energetskog sektora s fokusom na izgradnju Bloka 7 u Tuzli koji je u završnoj fazi.

Zvizdić je potvrdio i da je razgovarao u Sofiji s premijerkom Rumunije Vioricom Dancilom o političkim odnosima i odnosima u drugim oblastima posebno u kontekstu činjenice da će ta zemlja 1. januara preuzeti predsjedavanje Evropskom unijom.

– Nama je najvažnije da fokus EU ostane i u tom mandatu na zapadnom Balkanu kako je bilo i u vrijeme predsjedavanje Bugarske i sada Austrije, a upravo je prvi kvartal sljedeće godine vrijeme kada BiH očekuje dobijanje kandidatskog statusa za članstvo u EU – podvukao je.

Zvizdić je izrazio nadu da će se taj datum poklopiti i s krajem mandata sadašnje administracije Evropske komisije te je pozvao sve da odvoje proces odgovaranja na dodatnih 655 pitanja Upitnika Evropske komisije od trenutne političke retorike i predizbornog vremena.

Predsjedavajući Vijeća ministara Denis Zvizdić učestvovao je i u Londonu na samitu premijera zapadnog Balkana (WB6+EU8) koji je održan u okviru Berlinskog procesa kada je BiH Evropska komisija odobrila tri projekta ukupne vrijednosti 275 miliona eura.

Na Koridoru 5C u sekcijama Tarčin-Konjic i Buna-Počitelj ukupne vrijednosti 150 miliona eura i jedan projekt tehničke pomoći na Koridoru 5C u iznosu od 125 miliona eura. BiH je dobila i grant sredstva u iznosu od pet miliona eura i 38 miliona eura.

– Uzimajući u obzir samit iz Trsta prije godinu dana BiH je za 12 mjeseci odobreno sedam projekata u okviru Berlinskog procesa od oko milijardu KM– dodao je Zvizdić i pozvao na ubrzanje rada odgovornih za implementaciju ovih projekata.

U Londonu su potpisane četiri deklaracije i to o ratnim zločinima, nestalim osobama, regionalnim odnosima te izjava o borbi protiv korupcije.

Naglašena je potreba za snažnijim povezivanjem unutar zapadnog Balkana te povećanje 50 posto obima trgovinske razmjena, unapređenje infrastrukture jer manjka povezanosti gradova unutar država zapadnog Balkana te je naglašena potreba vraćanja fokusa na pitanje ekonomije.

Samit u Londonu bila je prilika, ističe Zvizdić, da se razgovara o sigurnosti u regiji te je on tada ponovio da je 46 onih koji su se u BiH vratili sa stranih ratišta, a 22 njih je u sudskim procesima te da nema govora o hiljadama onih koji se vraćaju.

– U 28 mjeseci nije zabilježen niti jedan odlazak na strana ratišta, u 160 terorističkih napada u Evropi koji su se dogodili u posljednje dvije i pol godini niti s jednim od njih BiH nije bila povezana – jasno je poručio Zvizdić.

Pitanje povećanog broja priliva migranata bila je jedna od tema u Londonu kada je Zvizdić istaknuo da BiH želi biti dio jedinstvenog evropskog rješenja te je najavio da BiH neće praviti zidove prema susjedima, ali i da će ostati humana i poštovati međunarodne standarde i bh. zakone.

Zahvalio je EU za pomoć koja je BiH pružena u tom smislu, ali i izrazio nadu da će se uskoro u Unsko-sanskom kantonu pronaći lokacija za smještaj migranata jer do sada predložene EU ne želi finansirati uz obrazloženje da su blizu granice sa EU.

Također, istaknuto je i potreba za završavanjem procesa pomirenja i zatvaranjem vrata prošlosti i otvaranju vrata budućnosti, a to je moguće postići, stav je Zvizdića, uz saradnju institucija država, a ne naroda iz različitih država.

– Ni jedan narod u BiH nema dvije države bosanski Srbi imaju jednu državu koja se zove BiH isto važi i za Hrvate zbog čega

smatram da je institucionalna saradnja snažnija od saradnje među nekim od naroda – podvukao je.

Osvrnuo se i na treći sastanak Vijeća za stabilizaciju i pridruživanje održanom prošle sedmice u Briselu kada je ponovljena potreba što bržeg odgovaranja na dodatna pitanja iz Upitnika te je istaknuta činjenica da BiH uskoro zaokružuje usvajanje četiri važne strategije i to za energetske sektor, transport, ruralni razvoj i zaštitu okoliša.

Podsjetio je Zvizdić da je BiH u prošlom mandatu saziva Vijeća ministara zbog neusvajanja tih strategija izgubila 500 miliona eura iz IPA fondova.

Zaključio je na kraju da BiH nema daljnjih uvjeta osim odgovora na dodatna pitanja kako bi dobila kandidatski status, a do kraja godine, kazao je, očekuje i aktivaciju Akcionog plana (MAP) za članstvo u NATO-u što bi bio jasan signal za nepovratni put ka ostvarenju najvažnijih vanjskopolitičkih ciljeva BiH.

Izvor: Haber.ba

Više od 6.000 učesnika Marša mira stiglo u Potočare

Više od 6.000 učesnika Marša mira 2018. stiglo je nakon trodnevnog pješaćenja u Memorijalni centar Potočari kako bi prisustvovali 23. godišnjici genocida počinjenog u julu 1995. godine u Srebrenici, javlja Anadolu Agency (AA).



Učesnici pristigli iz svih dijelova svijeta krenuli su prije tri dana iz Nezuka, na području Sapne, na put dug više od 100 kilometara. Žene, djeca i muškarci pješaćili su jedan do drugoga unatoč nepovoljnim vremenskim uslovima koji su zabilježeni prethodnih dana. Kiša i blato otežavali su put ovogodišnjih učesnika Marša mira koji su sve to izdržali i stigli do odredišta – Potočara.

Na čelu kolone, kao i prethodnih godina, pri ulasku u Potočare, nalazili su se oni koji su '95-te preživjeli srebrenički genocid. Uspjeli su preko šume stići do slobodne teritorije – Tuzle.

Učesnike, od kojih je većina i plakala, dočekali su članovi porodica, komšije i prijatelji ubijenih Srebreničana. Nakon toga su položili cvijeće i proučili Fatihu u mezarju Memorijalnog centra Potočari.

Učesnici ovogodišnjeg Marša mira kasnije će prisustvovati iznošenju tabuta iz hale bivše Fabrike akumulatora koji su jučer stigli iz Visokog.

Marš mira Nezuk – Potočari i ove godine je, pored komemoracije i dženaze žrtvama, jedna od glavnih aktivnosti u sklopu obilježavanja godišnjice genocida nad Bošnjacima Srebrenice. Riječ je o jednoj od najvećih aktivnosti u okviru obilježavanja godišnjice genocida.

Na trasi od Nezuka do Potočara učesnici su ranijih godina prolazili maršrutom: Nezuk – Baljkovica – Parlog – Crni Vrh –

Snagovo – Liplje – Jošanica – Donja Kamenica – Bakračići – Glodi – Udrč – Cerska – Kaldrmica – Đugum – Mravinjci – Burnice – Kameničko Brdo – Ravni Bučjim – Jagličići – Šušnjari – Budak – Potočari (Memorijalni centar).

Za kolektivnu dženazu u Potočarima 11. jula ove godine do sada su spremni posmrtni ostaci 35 osoba.

U Podrinje identifikacionom centru u Tuzli nalazi se skoro 170 identificiranih žrtava, ali uglavnom zbog nekompletnosti posmrtnih ostataka porodice se još nisu odlučile za ukop.

U mezarju Memorijalnog centra Srebrenica – Potočari do sada je smiraj pronašlo 6.575 žrtava genocida, a traga se za još oko hiljadu.

Otišao po novine i nestao

Dogodilo se to u 20, st, slučaj mladog Amerikanca Josepha Browna. Brown je živio u Brooklynu i jednog je nedeljnog jutra (neobrijan, u pidžami čak i u papučama, napustio stan) napustio stan da bi otišao do 200m udaljene prodavnice, po novine. Na putu do prodavnice, Josephu se izgubio svaki trag, Joseph je jednostavno NESTAO!!! Pokrenuta je obimna potraga sa Josephom kojeg toga dana nitko nije vidio, a i sam prodavac se je zabrinuo za sudbinu svoje stare mušterije. Pretražena je svaka ulica, svaki ugao kompletan Brooklyn je prevrnut naopačke, no Josephu Brownu nije bili ni traga ni glasa. Josephova žena, iako šokirana nestankom svog mladog supruga pomirila se je sa činjenicom da je njen suprug zauvijek nestao. Od Josephovog nestanka bilo je prošlo već više od godinu dana, kada se je jednog dana samo pojavio. O "pojavi" je obaviještena policija, koja je isprva mislila da se radi o neslanjoj šali no nije bila šala, JOSEPH BROWN SE JE POJAVIO

IZNENADA, ISTO TAKO KAO ŠTO JE IZNENADA I NESTAO. Pojavio se je nekoliko metara od spomenuta prodavnice gdje ga je sablaženi prodavač upitao gdje je bio godinu dana. Joseph ga je samo čudno gledao tvrdeći da je iz kuće izašao prije nekoliko minuta s namjerom da kupi novine. Nakon što je obaviješten da je prije godinu dana nestao, Joseph je prevrnou sve primjerke novine i sve što je moga i svugdje naišao na godinu dana stariji datum. Samo za spomenuti, da se je Jospeh pojavio isti kao što je i nestao, u pidžami i papulama, s istom dužinom brade bez i jedne jedine mrlje na odjeći. Tvrдио je da nije išao nigdje drugo osim do prodavnice. Joseph je, u danima nakon pojavljivanja, podvrgnut mnogim ispitivanjima, odvođen na detektore laži čak i hipnotiziran, ali se nije ničega sjetio. Gdje je Joseph Borwn boravio cijelu godinu i još nekoliko dana više, ZAUVIJEK ĆE OSTATI TAJNA. . .

Platforma za progres

<https://www.facebook.com/konjicanka/>

Vjerski čelnik: Žene u Saudijskoj Arabiji ne moraju nositi abaje

Žene u Saudijskoj Arabiji ne moraju nositi abaje dugu, široku

odjeću koja tijelo pokriva od glave do pete, rekao je visokopozicionirani pripadnik vrhovnog islamskog vjerskog organa Šeik Abdullah al-Mutlaq, u svom televizijskom programu.



Šeik Mutlaq, koji je član Vijeća visokih učenjaka, kazao je da se muslimanke trebaju oblačiti skromno, ali da to ne znači da moraju nositi abaje, izvještava Reuters.

“Više od 90 posto pobožnih muslimanki u islamskom svijetu ne nosi abaje. Tako da mi ne bismo trebali prisiljavati žene da ih nose”, rekao je Šeik Mutlaq u petak.

Ovo je prva izjava o tom pitanju koja dolazi od jednog vjerskog čelnika, te prati trend sve većih sloboda u ovoj Kraljevini koji je počeo usponom na vlast mladog prestolonasljednika Mohammada bin Salmana.

Jeste li znali da...?

Da li ste znali da je 11% ljudi ljevoruko?



Da li znate da Avgust ima najveći procenat rođenja?

Jeste li znali da prosječna osoba zaspí za 7 minuta?

Da li ste znali da medvjed ima 42 zuba?

Da li ste znali da je nojevsko oko veće od mozga?

Da li ste znali da 8% ljudi ima dodatno rebro?

Da li ste znali da se 85% biljnog života nalazi u okeanu?

Jeste li znali da havajsko pismo ima 13 slova?

Da li ste znali da je jastoga krv bezbojna, ali kada je izložena kiseoniku, postaje plava?

Da li ste znali da je najduži snimak pileta bio 13 sekundi?

Da li ste znali da pticama treba gravitacija da proguta?

Da li ste znali da je najčešće korišćeno slovo u abecedi E?

Da li ste znali da su 3 najčešća jezika na svijetu mandarinski kineski, španski i engleski?

Jeste li znali da mačka ima 32 mišića u svakom uhu?

Jeste li znali Perth je najslobodniji grad Australije?

Jeste li znali da je Elvisovo srednje ime bilo Aron?

Jeste li znali da ribe mogu vidjeti i infracrvenu i ultraljubičastu svjetlost?

Jeste li znali da se najmanji kosti u ljudskom tijelu nalaze u vašem uhu?

Jeste li znali Svicarska jede količinu čokolade koja iznosi 10 kilograma po osobi godišnje?

Jeste li znali da je broj jedan stvar koju parovi raspravljaju?

Jeste li znali da su (knowmacadamia nuts)makadame orasi otrovni za pse?

Jeste li znali kada se udari gromovi mogu doseći do 30.000

stupnjeva digriza (54.000 stupnjeva celzijusa)

Jeste li znali da su paukovi arahini rakovi, a ne insekti?

Jeste li znali kada ste vidjeli punog mjeseca da uvijek vidite istu stranu?

Jeste li znali da je med jedina prirodna hrana koja se nikada ne pokvari?

Jeste li znali da čokolada M & M predstavlja inicijale za svoje izumitelje Mars i Murrie?

Jeste li znali da više kalorija sagorite dok jedete celer nego što ih on sadrži (sto više celer jedete sve tanji postajete)

Jeste li znali da je jedini kontinent bez aktivnih vulkana Australija?

Jeste li znali da je najduža ulica na svijetu Yonge Street u Torontu, Kanada koja iznosi 1.896 km (1.178 milja)